



16. oktober 2019

UKA 2019/85
Siverth K. Heilmann

Kalaallit Nunaanni sivisuumik suliffissaaleqisut ornittagassaannik pilersitsisoqarnissaa siunertaralugu periarfissamik iluaqutaanik aamma ajoqutaanik misissuisoqarnissaanik ukiakkut 2020 saqqummiussaqaassat Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartuni ilaasortaq Jens NapätôK', Partii Naleraq)

Siullermik inatsisartuni ilaasortaq Jens NapätôK', Partii Naleraq siunnersuuteqarninnut qujanaq, imatullu Atassut-miit oqaaseqarfigissavarput.

Nunatsinni namminiilivinnissamik siunertaqarluta innuttaasunut taasitsisoqarmat, politikkerit innuttaasullu amerlanerussuteqarluartut akuersaarlutik taasipput. Politikkerit innuttaasullumi amerlaqisut nuannapput, tassa kiisami nammineq sapinngilagumik oqaluutigaluni, siunnersuuteqartup partii-ata nammineq avataanik suliarlorluni tikisitsisarneq, pingaartilluinnarlugu mattunneqartariaqartumik nipituuliornerpaanut ilaammata.

Piviusorli allaalluinnarpoq. Nunatsinnimi aalisakkanut suliffissuarnut tunitsivinnullu tulaassuisussaataitanermik aaqqissuussisimanerput nunap inuiinut, ukioq kaajallallugu suliffissaqartitsinnaasarpugut, aalisagassaaleqinermik suliffissuit matuneqarallarsinnaasarlutik imaluunniit allatut naleqqussaaffigineqartarmata. Ukiunili makkunani, sulisussanik amigaateqaraluarluta, allatut ajornartumik aalisartut nunamilu sulisut aningaasarsiornerat unissangippat, sulisussanik avataaniik tikisitsisinnaanerput sinerissani innuttaasut politikkerillu akuersaarsimavarput.

Atassut-miit arajutsisimanngearput, suliffiit ilaanni sulinermi atugassaritneqartut assigiinngitsut, inunnut ataasiakkaanut sulerusussutsimut patsisaasartut. Taamaattumik isumaqanngilagut, Nunatsinni sivisuumik suliffissaaleqisut ornittagassaannik pilersitsoqarnissaa siunertaralugu misissuisitsinissaq piviusorsiortuusooq.

Sulisussanik amigaateqartarneq aalisakkanik suliffissuaannarniunngilaq. Sanaartorneq, aatsitassarsiorfinni ilami namminersortut kommuunillu ingerlatarpassuini piviusunngortitsisarnerput, nunaqavissullu imminut ilaquuttatsinnullu pilersornerulernissatsinnik sulisorpassuaqarnerput nuanneq.

Taamaattorli nalunngilarput inuppassuaqarmat peqqillutik sulisinnaagaluartunik, suliffissarsiorunik neqeroorfigineqarunilluunniit tigusiumanngittartunik aamma suliffeqareeraluarlutik saniatigut marloqiusamik suliffeqartartunik kiisalu ilaquuttaminnut, inigisaminnut, akissaqarusullutik suli tiiminik annertunerusunik pissarserusussinnaasartunik.



Qujanaqaaruna Nunatsinni, nunap inuui salliutinnerullugit sulisussarsiortarneq pillugu inatsisiliorsimasugut. Kommuunet, suliffeqarfiit il il aatsaat sulisussaminnik amigaateqarpata, avataaniik tikisitsisarnissamik qinnuteqartoqartoqarsinnaanera periarfissaareerpoq nalilersorneqartuartariaqarporli.

Taamaattoq Atassut-miit qularutiginnillarput, suliffeqarfinni assigiinngitsuni ilaquataasut ikinngutilluunniit avataaniik tikisinneqartarneri pillugit uparuaasoqarumaartoq aap taamaattoqartarsimavoq. Inatsisilliorsimagaannili tamanik malinneqartarnissaat Atassut-ip eqqaasissutigiinnassavaa.

Nunatsinnut aningaasaliinerit annertuut, suliffissuarnillu nutaamik sanaartortoqarsinnaanera pillugu siunnerfeqarnitsinni pingaartilluinnarsimavarput, Nunatta iluani sumiiffinniit sumiiffinnut assigiinngitsunut nuttarsinnaanissamut aqutissiuussineq.

Kommuune-lli ilaani sulisussanut inissaqartitsiniartarnerat annertuumik ajornartorsiutaasarnerat ilisimavarput. Assersuutit ilaat, aalisakkanik suliffissuaq, sulisussanik amigaateqarmat RG qinnuteqarpoq. Sulisussarpaalussuilli amigaatigineqartut, illoqarfimmut suliffigisassaminnut inissaqartinneqareeraluartut ingerlaarneranni, suliffissuaq matuneqarpoq, suliaartortuugalullu angerlaannartinneqartariaqarlutik.

Alcoap Maniitsumi aatsitsiviliorniarneralua, aningaasaliinerit annersaat, inuussutissarsiutitta pingaarnersaannut aalisarnermut aningaasarsiornermullu unammillersinnaaluarluni tapertaasussamut, ilaatigut storskalap politikikkut nalilersuiffigineqarnerani isummernaluusaarnersuaq pissutaalluni piviusunngunngitsoornera uggornarnersaanera assut uggornarpoq.

Taamanikkut massakkulluunniit Nunatsinni suliffissaaleqisut tamakkerlugit sulisikkaluarutsigilluunniit, avataaniit tikisitsinissaq pisariaqarnikuuvoq, ukiunilu makkunani kissaaterpassuarnut aningaasassaaleqissutatsinnut akissaqarnerungaarsimassagaluarluta.

Kingusinaartoqanngisaannarpoq aqqusinermi manngersaasut amerlisaannassanngikkutsigit, suliumanngitsullu aningaasanik tunioraannassagutsigit, inuuneqqortusiartornerarluta assaallu tamaasa sulinissatsinnut atorfissaqartinneqaatigalugit oqalunnianguaasaarluta, siunissarput qaamanerumik pilersitsiviginissaanut ataatsimoorta.

Naalakkersuisut siunnersuuteqartumut akissutaat annerusumik oqaaseqarfiginngilarput, tassami isumarput malillugu ajunngivissumik naleqqussarneqartartumillu inatsiseqareeratta, taamatullu oqaaseqarluta Atassut- miit siunnersuut taamatut isikkoqartillugu itigartipparput.

Qujanaq